



Invent No 112

M.H.C.

61p

NAPOLI

Palet. XXXIV 61



5964 15

OFFICIUM
NATIVITATIS
DOMINI NOSTRI
JESU CHRISTI
INTEGRUM.



NEAPOLI
Typis Maximiliani Avallone
1854.

OFFICIUM
NATIVITATIS DOMINI

AD VESPERAS

Pater noster. Ave Maria.

Ÿ. Deus in adjutorium
meum intende.

R. Domine ad adjuvan-
dum me festina. Gloria Pa-
tri, et Filio, et Spiritui San-
cto. Sicut erat in principio,
et nunc, et semper, et in
saecula saeculorum. Amen.
Alleluja.

ANTIPHONA.

Rex pacificus magnificatus
est, cujus vultum desiderat
universa terra.

Psalmus 109.

Dixit Dominus Dominomeo:*
sede a dextris meis.

Donec ponam inimicos tuos:*
scabellum pedum tuorum.

Virgam virtutis tuae emit-
tet Dominus ex Sion: * do-
minare in medio inimicorum
tuorum.

Tecum principium in die
virtutis tuae in splendoribus
sanctorum: * ex utero ante
luciferum genui te.

Juravit Dominus, et non
poenitebit eum: * tu es Sa-
cerdos in aeternum secundum
ordinem Melchisedech.

Dominus a dextris tuis: *

Nativitatis Domini. 5

confregit in die irae suae
reges.

Judicabit in nationibus im-
plebit ruinas : * conquassa-
bit capita in terra multorum.

De torrente in via bibet : *
propterea exaltabit caput.
Gloria Patri; etc.

Ant. Rex pacificus magni-
ficatus est, cujus vultum de-
siderat universa terra.

Ant. Magnificatus est Rex
pacificus super omnes reges
universae terrae.

Psalmus 100.

Confitebor tibi Domine in to-
to corde meo : * in consilio ju-
storum, et congregatione.

Magna opera Domini : *

exquisita in omnes voluntates ejus.

Confessio, et magnificentia opus ejus : * et justitia ejus manet in saeculum saeculi.

Memoriam fecit mirabilium suorum misericors , et misereatur Dominus : * escam dedit timentibus se.

Memor erit in saeculum testamenti sui : * virtutem operum suorum annuntiabit populo suo.

Ut det illis haereditatem gentium : * opera manuum ejus veritas , et judicium.

Fidelia omnia mandata ejus , confirmata in saeculum saeculi : * facta in veritate , et aequitate.

Redemptionem misit populo suo : * mandavit in aeternum testamentum suum.

Sanctum , et terribile nomen ejus : * initium sapientiae timor Domini.

Intellectus bonus omnibus facientibus eum : * laudatio ejus manet in saeculum saeculi. Gloria Patri , etc.

Ant. Magnificatus est Rex pacificus super omnes reges universae terrae.

Ant. Completi sunt dies Mariae , ut pareret Filium suum primogenitum.

Psalmus 111.

Beatus vir , qui timet Dominum : * in mandatis ejus volet nimis.

Potens in terra erit semen
ejus : generatio rectorum be-
nedicetur.

Gloria , et divitiae in do-
mo ejus : * et justitia ejus
manet in saeculum saeculi.

Exortum est in tenebris
lumen rectis : * misericors ,
et misereator , et justus.

Jucundus homo , qui mi-
seretur , et comodat , dispo-
net sermones suos in judi-
cio : * quia in aeternum non
commovebitur.

In memoria aeterna erit
justus : * ab auditione mala
non timebit.

Paratum cor ejus sperare
in Domino ; confirmatum est
cor ejus : * non commove-

bitur donec despiciat inimicos suos.

Dispersit , dedit pauperibus , justitia ejus manet in saeculum saeculi : * cornu ejus exultabitur in gloria.

Peccator videbit , et irascetur , dentibus suis fremet , et tabescet : * desiderium peccatorum peribit. Gloria , etc.

Ant. Completi sunt dies Mariae ; ut pareret Filium suum primogenitum.

Ant. Scitote , quia prope est Regnum Dei , amen dico vobis , quia non tardabit.

Psalmus 112.

Laudate pueri Dominum : *
laudate nomen Domini.

Sit nomen Domini benedictum : * ex hoc nunc , et usque in saeculum.

A solis ortus usque ad occasum : * laudabile nomen Domini.

Excelsus super omnes gentes Dominus : * et super coelos gloria ejus.

Quis sicut Dominus Deus noster , qui in altis habitat : * et humilia respicit in coelo , et in terra ?

Suscitans a terra inopem : * et de stercore erigens pauperem.

Ut collocet eum cum principibus : * cum principibus , populi sui.

Qui habitare facit sterilem

Nativitatis Domini. **11**

in domo : * matrem filiorum
laetantem. Gloria Patri, etc.

Ant. Scitote , quia prope
est Regnum Dei , amen dico
vobis ; quia non tardabit.

Ant. Levate capita ve-
stra , ecce appropinquat re-
demptio vestra.

Psalmus 115.

Laudate Dominum omnes
gentes : * laudate eum omnes
populi.

Quoniam confirmata est
super nos misericordia ejus : *
et veritas Domini manet in
aeternum. Gloria Patri, etc.

Ant. Levate capita vestra,
ecce appropinquat redemptio
vestra.

Capitulum.

Apparuit benignitas , et humanitas Salvatoris nostri Dei: non ex operibus justitiae , quae fecimus nos , sed secundum misericordiam suam salvos nos fecit. *R.* Deo gratias.

HYMNUS

Jesu Redemptor omnium ,
Quem lucis ante originem ,
Pater Paternae gloriae
Pater Supremus edidit.
Tu lumen , et splendor Patris,
Tu spes perennis omnium :
Intende quas fundunt preces,
Tui per orbem servuli.

Memento , rerum conditor ,
Nostri quod olim corporis ,
Sacrata ab alvo Virginis
Nascendo formam sumpseris.
Testatur hoc praesens dies
Currens per anni circulum ,
Quod solus e sinu Patris ,
Mundi salus adveneris.
Hunc astra, tellus, aequora,
Hunc omne, quod Coelosubest
Salutis auctorem novae
Novo salutat cantico.
Et nos , beata quos sacri
Rigavit unda sanguinis ;
Natalis ob diem tui
Hymni tributum solvimus.
Jesu tibi sit gloria ,
Qui natus es de Virgine ,
Cum Patre et almo Spiritu
In sempiterna saecula. Amen.

Ÿ. Crastina die delebitur iniquitas terrae.

R. Et regnabit super nos Salvator Mundi.

Ad Magnif. Ant. Cum ortus fuerit Sol de Coelo, videbitis Regem Regum procedentem a Patre tamquam sponsum de thalamo suo.

Oratio.

Concede quaesumus Omnipotens Deus, ut nos. Unigeniti tui nova per carnem Nativitas liberet, quos sub peccati jugo vetusta servitus tenet: Per eundem Dominum nostrum Jesum Christum, etc.

R. Amen.

Ÿ. Domine exaudi orationem meam.

Nativitatis Domini. 15

R. Et clamor meus ad te
veniat.

V. Benedicamus Domino.

R. Deo gratias.

V. Fidelium animae per
misericordiam Dei requie-
scant in pace. **R.** Amen.

AD MATUTINUM.

Pater noster, Ave Maria, Credo etc.

V. Domine labia mea ape-
ries.

R. Et os meum annuntia-
bit, etc.

V. Deus in adjutorium
meum intende.

R. Domine ad adjuvan-
dum, etc.

Cum reliq.

INVITATORIUM

Christus natus est nobis : *
Venite adoremus.

Repetitur.

Christus natus est nobis : *
Venite adoremus.

Psalmus 94.

Venite exulemus Domino ,
jubilemus Deo salutari no-
stro , praeoccupemus faciem
ejus in confessione , et in
psalmis jubilemus ei.

Christus natus est nobis : *
Venite adoremus.

Quoniam Deus magnus
Dominus , et Rex magnus
super omnes Deos : quoniam
non repellet Dominus plebem
suam, quia in manu ejus sunt
omnes fines terrae, et altitu-
dines montium ipse conspi-
cit : * Venite adoremus.

Quoniam ipsius est mare ,
et ipse fecit illud , et aridam
fundaverunt manus ejus. Ve-
nite adoremus , et procidamus
ante Deum , ploremus coram
Domino qui fecit nos , quia
ipse est Dominus Deus noster
nos autem populus ejus , et
oves pascuae ejus.

Christus natus est nobis : *
Venite adoremus.

Hodie si vocem ejus au-
dieritis , nolite obdurare cor-
da vestra , sicut in exacer-
batione secundum diem ten-
tationis in deserto : ubi ten-
taverunt me patres vestri ,
probaverunt , et viderunt ope-
ra mea : * Venite adoremus.

Quadraginta annis proxi-
mus fui generatione huic , et

dixi ; semper hi errant corde ; ipsi vero non cognoverunt vias meas , quibus juravit in ira mea , si introibunt in requiem meam. Christus natus est nobis : * Venite adoremus.

Gloria Patri , et Filio , et Spiritui Sancto. Sicut erat in principio , et nunc , et semper , et in saecula saeculorum. Amen.

Venite adoremus.

Christus natus est nobis.

Venite adoremus.

HYMNUS.

Jesu Redemptor omnium, etc.

Ut supra in Vesp. fol. 12.

Ant. Dominus dixit ad me:
Filius meus es tu , ego hodie genui te.

Psalmus 2.

Quare fremuerunt gentes: *
et populi meditati sunt inania.

Astiterunt reges terrae, et
Principes convenerunt in u-
num: * adversus Dominum,
et adversus Christum ejus.

Dirumpamus vincula eo-
rum: * et projiciamus a no-
bis jugum ipsorum.

Qui habitat in coelis irri-
debit eos: * et Dominus sub-
sannabit eos.

Tunc loquetur ad eos in
ira sua: * et in furore suo
conturbabit eos.

Ego autem constitutus sum
Rex ab eo super Sion mon-
tem sanctum ejus: * prae-
dicans praeceptum ejus.

Dominus dixit ad me : *
Filius meus es tu ; ego hodie genui te.

Postula a me , et dabo tibi
gentes haereditatem tuam : *
et possessionem tuam terminos terrae.

Reges eos in virga ferrea : *
et tamquam vas figuli confriges eos.

Et nunc reges intelligite : *
erudimini qui iudicatis terram.

Servite Domino in timore : *
et exultate ei cum tremore.

Apprehendite disciplinam,
ne quando irascatur Dominus : *
et pereatis de via justa.

Cum exarserit in brevi ira
ejus : * beati omnes qui con-

fidunt in eo. Gloria Patri, etc.

Ant. Dominus dixit ad me:
Filius meus es tu, ego hodie genui te :

Ant. Tamquam Sponsus
Dominus procedens de thalamo suo.

Psalmus 18.

Coeli enarrant gloriam Dei : *
et opera manum ejus annuntiat
firmamentum.

Dies diei eructat verbum : *
et nox nocti indicat scientiam.

Non sunt loquelaе , neque
sermonem : * quorum non audiuntur
voces eorum.

In omnem terram exivit
sonus eorum : * et in fines
orbis terrae verba eorum.

In sole posuit tabernacu-

lum suum : * et ipse tamquam sponsus procedens de thalamo suo.

Exultavit , ut gigas ad currendam viam : * a summo coelo egressio ejus.

Et occursum ejus usque ad summum ejus : * nec est , qui se abscondat a calore ejus.

Lex Domini immaculata , convertens animas : * testimonium Domini fidele sapientiam praestans parvulis.

Justitiae Domini rectae laetificantes corda : * praeceptum Domini lucidum : illuminans oculos.

Timor Domini sanctus permanens in saeculum saeculi : * judicia Domini vera justificata in semetipsa.

Desiderabilia super aurum,
et lapidem pretiosum mul-
tum: * et dulciora super mel
et favum.

Etenim servus tuus custo-
dit ea: * in custodiendis illis
retributio multa.

Delicta quis intelligit? ab
occultis meis munda me: *
et ab alienis parce servo tuo.

Si mei non fuerint domina-
ti, tunc immaculatus ero: * et
emundabor a delicto maximo.

Et erunt, ut complaceant
eloquia oris mei: * et me-
ditatio cordis mei in conspe-
ctu tuo semper.

Domine adjutor meus: * et
Redemptor meus. Gloria Pa-
tri etc.

Ant. Tamquam Sponsus

Dominus procedens de thalamo suo.

Ant. Diffusa est gratia in labiis tuis , propterea benedixit te Deus in aeternum.

Psalmus 44.

Eructavit cor meum verbum bonum : * dico ego opera mea Regi.

Lingua mea calamus scribae : * velociter scribentis.

Speciosus forma prae filiis hominum diffusa est gratia in labiis tuis : * propterea benedixit te Deus in aeternum.

Accingere gladio tuo super femur tuum : * potentissime.

Specie tua, et pulchritudine tua : * intende prospere procede , et regna.

Propter veritatem; et mansuetudinem, et justitiam: * et deducet te mirabiliter dextera tua.

Sagittae tuae acutae, populi sub te cadent: * in corda inimicorum regis.

Sedes tua Deus in saeculum saeculi: * virga directionis, virga regni tui.

Dilexisti justitiam, et odisti iniquitatem: * propterea unxit te Deus, Deus tuis oleo laetitiae prae consortibus tuis.

Myrrha, et gutta, et cassia a vestimentis tuis a domibus eburneis: * ex quibus delectaverunt te filiae regum in honore tuo.

Astitit Regina a dextris tuis

in vestitu deaurato : * circumdata varietate.

Audi filia , et vide , et inclina aurem tuam : * et obliviscere populum tuum , et domum patris tui.

Et concupiscet Rex decorem tuum : * quoniam ipse est Dominus Deus tuus , et adorabunt eum.

Et Filiae Tyri in muneribus : * vultuum tuum deprecabuntur omnes divites plebis.

Omnis gloria ejus filiae regis ab intus : * in fimbriis aureis circumamicta varietatibus.

Adducentur regi virgines post eam : * proximae ejus afferentur tibi.

Afferentur in laetitia , et exul-

tatione : * adducentur in templum regis.

Pro patribus tui nati sunt tibi filii : * constitues eos principes super omnem terram.

Memores erunt nominis tui : * in omni generatione , et generationem.

Propterea populi confitebuntur tibi in aeternum : * et in saeculum saeculi. Gloria Patri , etc.

Antiph. Diffusa est gratia in labiis tuis : * propterea benedixit te Deus in aeternum.

V. Tamquam sponsus :

R. Dominus procedens de thalamo suo. Pater noster. *Secreto.*

ABSOLUTIO

Exaudi Domine Jesu Christe ,
preces servorum tuorum , et
miserere nobis , qui cum Pa-
tre , et Spiritu Sancto vivis , et
regnas in saecula saeculorum.

V. Jube domne benedicere.

R. Benedictione perpetua ,
benedicat nos Pater aeternus.

R. Amen.

*Tres sequentes Lectiones Isaiae
legentur sine titulo: Lectio Prima.*

Primo tempore alleviata est
terra Zabulon , et terra Neph-
tali : et novissimo eggravata
est via maris trans Jordanem
Galileae gentium , Populus qui
ambulat in tenebris vidit lucem
magnam , habitantibus in re-
gione umbrae mortis , lux orta

est eis. Multiplicasti gentem,
et non magnificasti laetitiam.
Laetabuntur coram te , sicut
qui laetentur in messe , sicut
exultant victores capta praeda,
quando dividunt spolia. Jugum
enim oneris ejus, et virgam hu-
meri ejus , et sceptrum exacto-
ris ejus superasti, sicut in die
Madian. Quia omnis violenta
praedatio cum tumultu , et ve-
stimentum mistum sanguine erit
in combustionem, et cibus ignis.
Parvulus enim natus est nobis,
et filius datus est nobis , et fa-
ctus est principatus super hu-
merum ejus, et vocabitur nomen
ejus. Admirabilis, consiliarius ,
Deus , fortis , Pater futuri sae-
culi, Princeps pacis. Tu autem
Domine miserere nobis.

V. Deo gratias.

R. Hodie nobis Coelorum
Rex de Virgine nasci dignatus
est, ut hominem perditum ad
coelestia regna revocaret : *
Gaudet exercitus Angelorum ;
qui salus aeterna humano ge-
neri apparuit.

V. Gloria in excelsis Deo,
et in terra pax hominibus bo-
nae voluntatis.

Gaudet exercitus Angelo-
rum, quia salus aeterna hu-
mano generi apparuit.

Gloria Patri, etc.

Hodie nobis, *usque ad* Glo-
riam in excelsis Deo.

V. Jube domne benedicere.

R. Unigenitus Dei Filius nos
benedicere, et adjuvare digne-
tur. **R.** Amen.

Lectio Secunda.

Consolamini, consolamini popule meus, dicit Deus vester loquimini ad cor Jerusalem, et advocate eam, quoniam completa est malitia ejus, dimissa est iniquitas illius, suscepit de manu Domini duplicia pro omnibus peccatis suis. Vox clamantis in deserto: Parate viam Domini, rectas facile in solitudine semitas Dei nostri. Omnis vallis exaltabitur, et omnis mons, et collis humiliabitur, et erunt prava in directa, et aspera in vias planas. Et revelabitur gloria Domini, et videbit omnis caro pariter, quod os Domini locutum est. Vox dicentis, clama. Et dixi: Quid clamabo?

Omnis caro foenum , et omnis gloria ejus quasi flos agri: Exiccatum est foenum, et cecidit flos quia Spiritus Domini suflavit in eo. Vere foenum est populus : exficcatum est foenum, et cecidit flos : Verbum autem Domini nostri manet in aeternum. Tu autem Domine miserere nobis.

R. Deo gratias.

R. Hodie nobis de coelo pax vera descendit : * Hodie per totum mundum melliflui facti sunt coeli.

Y. Hodie illuxit nobis dies redemptionis novae, reparationis antiquae, felicitatis aeternae. Hodie.

Y. Jube domne benedicere.

R. Spiritus Sancti gratia il-

luminet sensus et corda nostra.

R. Amen.

Lectio Tertia.

Consurge, consurge, induere fortitudine tua Sion, induere vestimentis gloriæ tuæ Jerusalem Civitas Sancti: quia non adjiciat ultra, ut pertranseat per te incircumcisis, et immundus. Excutere de pulvere, consurge, sede Jerusalem; solve vincula colli tui captivā filia Sion. Quia hæc dicit Dominus; Gratis venundati estis, et sine argento redimemini. Quia hæc dicit Dominus Deus. In Ægyptum descendit populus meus in principio, ut colonus esset tibi; et Assur absque ulla causa calumniatus est

eum. Et nunc quid mihi est hic, dicit Dominus, quoniam ablatus est populus meus gratis? Dominatores ejus inique egunt, dicit Dominus, et jugiter tota die nomen meum blasphematur. Propter hoc sciet populus meus nomen meum in die illa; quia ego ipse, qui loquebar, ecce adsum. Tu autem Domine miserere nobis.

R. Deo gratias.

R. Quem vidistis Pastores? dicite, annuntiate nobis, in terris quis apparuit: Natum vidimus, et Coros Angelorum collaudantes Dominum.

Y. Dicite quidnam vidistis? et annuntiate Christi Nativitatem.

Natum vidimus etc.

Gloria Patri, et Filio, et Spiritui Sancto. Natum vidimus etc.

IN SECUNDO NOCTURNO.

Antiph. Suscepimus, Deus, misericordiam tuam in medio templi tui.

Psalmus 47.

Magnus Dominus, et laudabilis nimis: * in Civitate Dei nostri in monte sancto ejus.

Fundatur exultatione universae terrae mons Sion: * latera Aquilonis, Civitas Regis magni.

Deus in domibus ejus cognoscetur: * cum suscipiet eam.

Quoniam ecce reges terrae congregati sunt: * conveniunt in unum.

Ipsi videntes sic admirati

sunt, conturbati sunt, commoti sunt : * tremor apprehendit eos.

Ibi dolores, ut parturientis : * in spiritu vehementi conteres naves Tharsis.

Sicut audivimus, sic vidimus in Civitate Domini virtutum, in Civitate Dei nostri : * Deus fundavit eam in aeternum.

Suscepimus, Deus, misericordiam tuam : * in medio templi tui.

Secundum nomen tuum, Deus, sic et laus tua in fines terrae : * justitia plena est dextera tua.

Laetetur mons Sion, et exultent filiae Judae : * propter judicia tua, Domine.

Circumdáte Sion, et comple-

ctimini eam : * narrate in turribus ejus.

Ponite corda vestra in virtute ejus : * et distribuite domos ejus , ut enarretis in progenie altera.

Quoniam hic est Deus : Deus noster in aeternum , et in saeculum saeculi : * ipse reget nos in saecula. Gloria Patri etc.

Antiph. Suscepimus , Deus , misericordiam tuam in medio templi tui.

Antiph. Orietur in diebus Domini abundantia pacis , et dominabitur.

Psalmus 71.

Deus , judicium tuum regi da : * et justitiam tuam filio regis.

Judicare populum tuum in
justitia : * et pauperes tuos in
judicio.

Suscipiant montes pacem po-
pulo : * et colles justitiam.

Judicabit pauperes populi ,
et salvos faciet filios paupe-
rum : * et humiliabit calumnia-
torem.

Et permanebit cum Sole ,
et ante Lunam : * in genera-
tione , et generationem.

Descendet sicut pluvia in vel-
lus : * et sicut stillicidia stil-
lantia super terram.

Orietur in diebus ejus justi-
tia , et abundantia pacis : *
donec auferatur Luna.

Et dominabitur a mari usque
ad mare : * et a flumine usque
ad terminos orbis terrarum.

Coram illo procident *Æthiopes* : * et inimici ejus terram lingent.

Reges *Tharsis* , et insulae munera offerent : * Reges *Arabum* , et *Saba* dona adducent.

Et adorabunt eum omnes Reges terrae : * omnes Gentes servient ei.

Quia liberabit pauperem a potente : * et pauperem , cui non erat adjutor.

Parcet pauperi et inopi : * et Animas pauperum salvas faciet.

Ex usuris , et iniquitate redimet Animas eorum : * et honorabile nomen eorum coram illo.

Et vivet , et dabitur ei de auro *Arabiae* , et adorabunt de

ipso semper : * tota die benedicent ei.

Et erit firmamentum in terra , in summis montium ; superextolletur super Libanum fructus ejus ; * et florebunt de Civitate sicut foenum terrae.

Sit nomen ejus benedictum in saecula : * ante solem permanet nomen ejus.

Et benedicentur in ipso omnes tribus terrae : * omnes Gentes magnificabunt eum.

Benedictus Dominus Deus Israel : * qui facit mirabilia solus.

Et benedictum nomen majestatis ejus in aeternum : * et replebitur majestate ejus omnis terra : fiat , fiat.

Gloria Patri , etc.

Ant. Orietur in diebus Domini abundantia pacis, et dominabitur.

Ant. Veritas de terra orta est, et justitia de Coelo prospexit.

Psalmus 84.

Benedixisti, Domine, terram tuam : * avertisti captivitatem Jacob.

Remisisti iniquitatem plebis tuae : * operuisti omnia peccata eorum.

Mitigasti omnem iram tuam : * avertisti ab ira indignationis tuae.

Converte nos, Deus salutaris noster : * et averte iram tuam a nobis.

Numquid in aeternum ira-

sceris nobis : * aut extends iram tuam a generatione in generationem ?

Deus tu conversus vivificabis nos : * et plebs tua laetabitur in te.

Ostende nobis , Domine, misericordiam tuam : * et salutare tuum da nobis.

Audiam quid loquatur in me Dominus Deus : * quoniam loquetur pacem in plebem suam.

Et super Sanctos suos : * et in eos qui convertuntur ad cor.

Verumtamen prope timentes eum salutare ipsius : * ut inhabitet gloria in terra nostra.

Misericordia , et veritas obviaverunt sibi : * justitia , et pax osculatae sunt.

Veritas de terra orta est : *

et justitia de Coelo prospexit.

Etenim Dominus dabit benignitatem : * et terra nostra dabit fructum suum.

Justitia ante eum ambulabit : * et ponet in via gressus suos. Gloria Patri etc.

Ant. Veritas de terra orta est , et justitia de Coelo prospexit.

Ÿ. Speciosus forma prae filiis hominum.

R. Diffusa est gratia in labiis tuis.

Pater noster. *Secreto.*

Ÿ. Et ne nos inducas in tentationem.

R. Sed libera nos a malo.

Absolutio.

Ipsius pietas , et misericordia nos adjuvet , qui cum Patre ,

et Spiritu Sancto vivit , et regnat in saecula saeculorum. Amen.

Ÿ. Jube domne benedicere.

Benedictio. Ÿ. Deus Pater omnipotens sit nobis propitius , et clemens.

R. Amen.

Sermo S. Leonis Papae.

Sermo 1. de Nativitate Domini.

Lectio Quarta.

Salvator noster , dilectissimi , hodie natus est : gaudeamus. Neque enim fas est locum esse tristitiae , ubi Natalis est vitae , quae consumpto mortalitatis timore , nobis ingerit de promissa aeternitate laetitiam. Nemo ab hujus alacritatis participatione secernitur. Una cun-

ctis laetitiae communis est ratio : quia Dominus noster peccati , mortisque destructor , sicut nullum a reatu liberum reperit , ita liberandis omnibus venit. Exultet Sanctus , quia propinquat ad palmam : gaudeat peccator , quia invitatur ad veniam : animetur Gentilis quia vocatur ad vitam. Dei namque Filius secundum plenitudinem temporis , quam divini consilii inscrutabilis altitudo disposuit, reconciliandam auctori suo naturam generis assumpsit humani , ut inventor mortis diabolus, per ipsam, quam , vicerat vinceretur. Tu autem, Domine, miserere nobis.

R. Deo gratias.

R. O Magnum mysterium,

et admirabile Sacramentum ,
ut animalia viderent Dominum
natum, jacentem in Praesepio !
Beata Virgo, cujus viscera me-
ruerunt portare Dominum Chri-
stum.

Ÿ. Ave Maria gratia plena :
Dominus tecum. Beata Virgo.

Ÿ. Jube domne benedicere.

Benedictio. Ÿ. Christus per-
petuae det nobis gaudia vitae.

R. Amen.

Lectio Quinta.

In quo conflictu pro nobis ini-
to , magno , et mirabili aequi-
tatis jure certatum est , dum
omnipotens Dominus cum sae-
vissimo hoste non in sua ma-
jestate , sed in nostra congre-
ditur humilitate ; objiciens ei

eamdem formam , eamdemque naturam , mortalitatis quidem nostrae participem , sed peccati totius expertem. Alienum quippe ab hac Nativitate est , quod de omnibus legitur : Nemo mundus a sorde : nec infans cujus est unius diei vita super terram. Nihil ergo in istam singularem Nativitatem de carnis concupiscentia transivit , nihil de peccati lege manavit. Virgo Regia Davidicae stirpis eligitur , quae sacro gravidanda foetu , divinam , humanamque prolem prius conciperet mente , quam corpore. Et ne superni ignara consilii ad inusitados paveret afflatus , quod in ea operandum erat a Spiritu Sancto , colloquio discit Angelico ; nec damnum

credit pudoris, Dei genitrix mox futura. Tu autem, Domine, miserere nobis.

R. Deo gratias.

Ÿ. Beata Dei genitrix Maria, cujus viscera intacta permanent : * Hodie genuit Salvatorem saeculi.

Ÿ. Beata, quae credidit: quoniam perfecta sunt omnia, quae dicta sunt ei a Domino.

Hodie genuit Salvatorem saeculi.

Ÿ. Jube domne benedicere.

Benedictio. Ÿ. Ignem sui amoris accendat Deus in cordibus nostris.

R. Amen.

Lectio Sexta.

Agamus ergo, dilectissimi, gratias Deo Patri, per Filium

ejus in Spiritu Sancto ; qui propter multam charitatem suam, qua dilexit nos, misertus est nostri ; et cum essemus mortui peccatis ; convivificavit nos Christo, ut essemus in ipso nova creatura, novumque figmentum, Deponamus ergo veterem hominem cum actibus suis ; et adepti participationem generationis Christi, carnis renuntiemus operibus. Agnosce, o Christiane ; dignitatem tuam ; et divinae consors factus naturae, noli in veterem vilitatem degeneri conversatione redire: Memento, cujus capitis, et cujus corporis sis membrum : Reminiscere, quia erutus de potestate tenebrarum, translatus es in Dei lumen, et Regnum. Tu autem, Domine,

miserere nobis. Deo gratias.

R. Sancta , et immaculata
Virginitas , quibus te laudibus
efferam nescio : * Quia , quem
Coeli capere non poterant , tuo
gremio contulisti.

V. Benedicta tu in mulieri-
bus , et benedictus fructus ven-
tris tui. Quia , quem, etc. Glo-
ria Patri etc. Quia, quem, etc.

IN TERTIO NOCTURNO

Ant. Ipse invocabit me , al-
leluja : Pater meus es tu , al-
leluja.

Psalmus 88.

Misericordias Domini : * in ae-
ternum cantabo.

In generationem , et gene-
rationem : * annuntiabo veri-
tatem tuam in ore meo.

Quoniam dixisti : in aeternum misericordia aedificabitur in coelis : * praeparabitur veritas tua in eis.

Disposui testamentum electis meis ; juravi David servo meo : *
Usque in aeternum praeparabo semen tuum.

Et aedificabo in generationem, et generationem : * sedem tuam.

Confitebuntur Coeli mirabilia tua , Domine : * etenim veritatem tuam in Ecclesia Sanctorum.

Quoniam quis in nubibus aequabitur Domino : * similis erit Deo in filiis Dei ?

Deus, qui glorificatur in consilio Sanctorum : * magnus, et

terribilis super omnes , qui in circuitu ejus sunt.

Domine, Deus virtutum, quis similis tibi ? * potens es , Domine , et veritas tua in circuitu tuo.

Tu dominaris potestati maris : * motum autem fluctuum ejus tu mitigas.

Tu humiliasti , sicut vulneratum , superbum : * in brachio virtutis tuae dispersisti inimicos tuos.

Tui sunt coeli , et tua est terra , orbem terrae , et plenitudinem ejus tu fundasti : * Aquilonem, et Mare tu creasti.

Thabor, et Hermon in Nomine tuo exultabunt : * tuum brachium cum potentia.

Firmetur manus tua, et exal-

tetur dextera tua : * justitia, et
judicium praeparatio sedis tuae.

Misericordia, et veritas prae-
cedent faciem tuam : * beatus
populus, qui scit jubilationem.

Domine, in lumine vultus tui
ambulabunt, et in Nomine tuo
exultabunt tota die : * et in
justitia tua exultabuntur.

Quoniam gloria virtutis eo-
rum tu es : * in beneplacito
tuo exaltabitur cornu nostrum.

Quia Domini est assumptio
nostra : * et Sancti Israel Re-
gis nostri.

Tunc locutus es in visione
Sanctis tuis, et dixisti : * Po-
sui adjutorium in potente, et
exaltavi electum de plebe mea.

Inveni David servum meum : *
oleo Sancto meo unxi eum.

Manus enim mea auxiliabitur ei: * et brachium meum confortabit eum.

Nihil proficiet inimicus in eo: * et filius iniquitatis non apponet nocere ei.

Et concidam a facie ipsius inimicos ejus: * et odientes eum in fugam convertam.

Et veritas mea, et misericordia mea cum ipso: * et in Nomine meo exaltabitur cornu ejus.

Et ponam in mari manum ejus: * et in fluminibus dexteram ejus.

Ipsa invocabit me: Pater meus es tu: * Deus meus, et susceptor salutis meae.

Et ego primogenitum ponam

illum : * excelsum prae regibus terrae.

In aeternum servabo illi misericordiam meam : * et testamentum meum fidele ipsi.

Et ponam in saeculum saeculi semen ejus : * et thronum ejus sicut dies coeli.

Si autem dereliquerint filii ejus legem meam : * et in judiciis meis non ambulaverint.

Si justitias meas profanaverint : * et mandata mea non custodierint.

Visitabo in virga iniquitates eorum : * et in verberibus peccata eorum.

Misericordiam autem meam non dispergam ab eo : * neque nocebo in veritate mea.
Neque profanabo testamen-

tum meum : * et quae procedunt de labiis meis non faciam irrita.

Semel juravi in sancto meo, si David mentiar : * semen ejus in aeternum manebit.

Et thronus ejus sicut sol in conspectu meo : * et sicut luna perfecta in aeternum , et testis in coelo fidelis.

Tu vero repulisti , et despectisti : * distulisti Christum tuum.

Evertisti testamentum servi tui : * profanasti in terra sanctuarium ejus.

Destruxisti omnes sepes ejus : * posuisti firmamentum ejus formidinem.

Diripuerunt eum omnes transeuntes viam : * factus est opprobrium vicinis suis.

Exaltasti dexteram depri-
mentium eum: * laetificasti om-
nes inimicos ejus.

Avertisti adjutorium gladii
ejus: * et nos es auxiliatus ei
in bello.

Destruxisti eum ab emunda-
tione: * et sedem ejus in ter-
ram collisisti.

Minorasti dies temporis ejus: *
perfudisti eum confusione.

Usquequo, Domine, avertis
in finem: * exardescet sicut
ignis ira tua?

Memorare quae mea substan-
tia: * numquid enim vane con-
stituisti omnes filios hominum?

Quis est homo, qui vivet, et
non videbit mortem: * eruet a-
nimam suam de manu inferi?

Ubi sunt misericordiae tuae

antiquae, Domine: * sicut jurasti David in veritate tua?

Memor esto Domine opprobrii servorum tuorum: * (quod continui in sinu meo) multarum Gentium.

Quod exprobraverunt inimici tui, Domine: * quod exprobraverunt commutationem Christi tui.

Benedictus Dominus in aeternum: * fiat, fiat. Gloria Patri etc.

Ant. Ipse invocabit me, alleluja: Pater meus es tu, alleluja.

Ant. Laetentur coeli, et exultet terra, ante faciem Domini, quoniam venit.

Psalmus 95.

Cantate Domino canticum novum : * cantate Domino omnis terra.

Cantate Domino , et benedicite Nomini ejus : * annuntiate de die in diem salutare ejus.

Annuntiate inter gentes gloriam ejus : * in omnibus populis mirabilia ejus.

Quoniam magnus Dominus , et laudabilis nimis : * terribilis est super omnes Deos.

Quoniam omnes Dii Gentium daemonia : * Dominus autem coelos fecit.

Confessio , et pulchritudo in conspectu ejus : * sanctimonia , et magnificentia in sanctificatione ejus.

Afferte Domino patriae gentium, afferte Domino gloriam, et honorem : * afferte Domino gloriam Nomini ejus.

Tollite hostias, et introite in atria ejus : * adorete Dominum in atrio sancto ejus.

Commoveatur a facie ejus universa terra : * dicite in gentibus quia Dominus regnavit.

Etenim correxit orbem terrae, qui non commovebitur : * judicabit populos in aequitate.

Laetentur coeli, et exultet terra ; commoveatur mare, et plenitudo ejus : * gaudebunt campi, et omnia quae in eis sunt.

Tunc exultabunt omnia ligna sylvarum a facie Domini, quia venit : * quoniam venit judicare terram.

Judicabit orbem terrae in
aequitate: * et populos in ve-
ritate sua.

Gloria Patri etc.

Ant. Laetentur Coeli, et
exultet terra ante faciem Do-
mini, quoniam venit.

Ant. Notum fecit Dominus,
Alleluja. Salutare suum, Alle-
luja.

Psalmus 97.

Cantate Domino canticum no-
vum: * quia mirabilia fecit.

Salvavit sibi dextera ejus: *
et brachium sanctum ejus.

Notum fecit Dominus salu-
tare suum: * in conspectu Gen-
tium revelavit justitiam suam.

Recordatus est misericordiae
suae, * et veritatis suae domui
Israel.

Viderunt omnes termini terrae : * salutare Dei nostri.

Jubilate Deo omnis terra : * cantate et exultate , et psallite.

Psallite Domino in cithara , in cithara , et voce psalmi : * in tubis ductilibus , et voce tubae corneae.

Jubilate in conspectu regis Domini : * moveatur mare , et plenitudo ejus : orbis terrarum , et qui habitant in eo.

Flumina plaudent manu , simul montes exultabunt a conspectu Domini : * quoniam venit judicare terram.

Judicabit orbem terrarum in justitia ; * et populos et in aequitate.

Gloria etc.

Ant. Notum fecit Dominus,
Alleluja.

Salutare suum Alleluja.

Ÿ. Ipse invocabit me, Al-
leluja.

R. Pater meus es tu, Al-
leluja.

Pater noster. *Secreto.*

Ÿ. Et ne nos inducas in ten-
tationem.

R. Sed libera nos a malo.

Absolutio.

A vinculis peccatorum nostro-
rum absolvat nos omnipotens, et
misericors Dominus. R. Amen.

Ÿ. Jube domne benedicere.

Benedictio. Ÿ. Evangelica
lectio sit nobis salus, et pro-
tectio. R. Amen.

Lectio S. Evangelii secundum Lucam.

Lectio Septima Cap. 2.

In illo tempore: Exiit edictum a Caesare Augusto, ut describeretur universus orbis, et reliqua.

Homilia S. Gregorii Papae.

Homil. 8. in Evang.

Quia, largiente Domino, Missarum sollemnia ter hodie celebraturi sumus, loqui diu de Evangelica lectione non possumus: sed nos aliquid vel breviter dicere, Redemptoris nostri Nativitas ipsa compellit. Quid est enim, quod nascituro Domino mundus describitur, nisi hoc, quod aperte monstratur, quia ille apparebat in car-

ne, qui electos suos adscribe-
ret in aeternitate? Quo contra
de reprobis per Prophetam di-
citur: Deleantur de libro vi-
ventium, et cum justis non
scribantur. Qui bene etiam in
Bethlehem nascitur. Bethlehem
quippe domus panis interpre-
tatur. Ipse namque est, qui
ait: Ego sum panis vivus, qui
de Coelo descendi. Locus ergo
in quo Dominus nascitur, do-
mus panis antea vocatus est:
quia futurum profecto erat, ut
ille per materiam carnis ap-
pareret, qui electorum men-
tes interna satietate reficeret.
Qui non in parentum domo,
sed in via nascitur: ut pro-
fecto ostenderet, quia per hu-
manitatem suam, quam as-

sumpserat, quasi in alieno nascebatur. Tu autem, Domine miserere nobis.

R. Deo gratias.

R. Beata viscera Mariae Virginis, quae portaverunt aeterni Patris Filium, et beata ubera, quae lactaverunt Christum Dominum: * Qui hodie pro salute mundi de Virgine nasci dignatus est.

Y. Dies sanctificatus illuxit nobis: venite Gentes, et adorate Dominum.

Qui hodie etc.

Y. Jube domne benedicere.

Benedictio R. Per evangelica dicta deleantur nostra delicta. *R.* Amen.

Lectio S. Evangelii secundum Lucam.

Lectio Octava. Cap. 2.

In illo tempore: Pastores loquebantur ad invicem: Transeamus usque Bethlehem, et videamus hoc Verbum, quod factum est, quod fecit Dominus, et ostendit nobis. Et reliqua.

Homilia S. Ambrosi Episcopi.

Lectio II. lib. 2. in Cap. 2. Lucae.

Videte Ecclesiae surgentis exordium: Christus nascitur, et pastores vigilare coeperunt: qui gentium greges, pecudum modo ante viventes, in caulam Domini congregarent, ne quos spiritualium bestiarum, per offusas noctium tenebras paterentur incursus. Et bene pastores vigilant, quos bonus pastor infor-

mat. Grex igitur populus, nox saeculum, pastores sunt Sacerdotes. Aut fortasse etiam ille sit pastor, cui dicitur: Esto vigilans, et confirma. Quia non solum Episcopos ad tuendum gregem, Dominus ordinavit sed etiam Angelos destinavit. Tu autem, Domine, miserere nobis. *R.* Deo gratias.

V. Verbum caro factum est, et habitavit in nobis: * et vidimus gloriam ejus, gloriam quasi Unigeniti a Patre plenum gratiae, et veritatis.

V. Omnia per ipsum facta sunt, et sine ipso factum est nihil. Et vidimus.

Gloria Patri, etc.

Et vidimus etc.

V. Jube domne benedicere.

Ben. R. Verba S. Evangelii
doceat nos Christus Filius Dei.
R. Amen.

Lectio S. Evangelii secundum Joannem.

Lectio nona Cap. 1.

In principio erat Verbum, et
Verbum erat apud Deum, et
Deus erat Verbum. Et reliqua.

Homilia S. Augustini Episcopi.

Tract. 1. in Joan. circa medium.

Ne vile aliquid putares, quale
consuevisti cogitare, cum ver-
ba humana soleres audire, audi
quid cogites: Deus erat Ver-
bum. Exeat nunc nescio quis
infidelis Arianus, et dicat, quia
Verbum Dei factum est. Quo-
modo potest fieri, ut Verbum
Dei factum sit, quando Deus

per Verbum fecit omnia? Si et Verbum Dei ipsum factum est; per quod aliud Verbum factum est? Si hoc dicis quia hoc est Verbum Verbi, per quod factum est illud: ipso dicto ego unicum Filium Dei. Si autem non dicis Verbum Verbi, concedo non factum, per quod facta sunt omnia. Non enim per seipsum fieri potuit, per quod facta sunt omnia. Credo ergo Evangelistae.

Tu autem, Domine, misere-
rere nobis.

Ÿ. Deo gratias.

Deinde dicitur Hymnus S. Ambrosii.

Te Deum laudamus: * te Do-
minum confitemur.

Te aeternum Patrem * **omnis**
terra veneratur.

Tibi omnes Angeli , * tibi
Coeli , et universae Potestates.

Tibi Cherubim et Seraphim *
incessabili voce proclamant.

Sanctus, Sanctus, Sanctus ; *
Dominus Deus Sabaoth.

Pleni sunt coeli , et terra *
majestatis gloriae tuae.

Te gloriosus * **Apostolorum**
chorus.

Te Prophetarum * **laudabilis**
numerus.

Te Martyrum candidatus *
laudat exercitus.

Te per orbem terrarum *
sancta confitetur Ecclesia.

Patrem * **immensae maje-**
statis.

Venerandum tuum verum,*
et unicum filium.

Sanctum*quoque Paraclitum
Spiritus.

Tu rex : * gloriae , Christe.

Tu Patris * sempiternus es Fi-
lius.

Tu ad liberandum susceptu-
rus hominem, * non horruisti
Virginis uterum.

Tu, devicto mortis aculeo,*
aperuisti credentibus regna Coe-
lorum.

Tu ad dexteram Dei sedes *
in gloria Patris.

Judex * crederis esse ven-
turus.

Te ergo quaesumus tuis fa-
mulis subveni, * quos pretioso
sanguine redemisti.

**Æterna fac cum Sanctis tuis*
in gloria numerari.**

**Salvum fac populum tuum ,
Domine; * et benedic haereditati
tuae.**

**Et rege eos , * et extolle illos
usque in aeternum.**

**Per singulos dies * benedici-
mus te.**

**Et laudamus nomen tuum in
saeculum , * et in saeculum sae-
culi.**

**Dignare, Domine, die isto: *
sine peccato nos custodire.**

**Miserere nostri, Domine: *
miserere nostri.**

**Fiat misericordia tua , Do-
mine, super nos, * quemadmo-
dum speravimus in te.**

**In te, Domine, speravi; *
non confundar in aeternum.**

Quo finito , dicitur.

Y. Dominus vobiscum.

R. Et cum spiritu tuo.

Oremus.

Concede , quaesumus , omnipotens Deus , ut nos Unigeniti tui nova per carnem nativitas liberet , quos sub peccati iugo vetusta servitus tenet.

Per eundem etc.

Et dicto : Benedicamus Domino , celebratur prima Missa post mediam noctem , ut in Ordinario : qua finita , dicuntur Laudes.

AD LAUDES

Y. Deus in adjutorium etc.

Antiph.

Quem vidistis pastores ? dicite , annuntiate nobis , in terris quis apparuit ? Natum vi-

dimus , et choros Angelorum
collaudantes Dominum , allelu-
ja alleluja.

Psalmus 92.

Dominus regnavit decorem in-
dutus est : * indutus est Do-
minus fortitudinem , et prae-
cinxit se.

Etenim firmavit orbem ter-
rae : * qui non commovebitur.

Parata sedes tua ex tunc : *
a saeculo tu es.

Elevaverant flumina , Domi-
ne : * elevaverunt flumina vo-
cem suam.

Elevaverunt flumina fluctus
suos : * a vocibus aquarum mul-
tarum.

Mirabiles elationes maris : *
mirabilis in altis Dominus.

Testimonia tua credibilia facta sunt nimis : * domum tuam decet sanctitudo , Domine , in longitudinem dierum.

Gloria Patri etc.

Ant. Quem vidistis pastores ? dicite , annuntiate nobis in terris quis apparuit ? Natum vidimus , et choros Angelorum collaudantes Dominum , alleluja , alleluja.

Ant. Genuit puerpera Regem , cui Nomen aeternum , et gaudia matris habens cum virginatis honore : nec primam similem visa est , nec habere sequentem , alleluja.

Psalm. 99.

Jubilate Deo omnis terra : *
servite Domino in laetitia.

**Introite in conspectu ejus *
in exultatione.**

**Scitote quoniam Dominus
ipse est Deus : * ipse fecit nos,
et non ipsi nos.**

**Populus ejus , et oves pa-
scuae ejus : * introite portas
ejus in confessione , atria ejus
in hymnis : confitemini illi.**

**Laudate Nomen ejus , quo-
niam suavis est Dominus , in
aeternum misericordia ejus : *
et usque in generationem , et
generationem veritas ejus.**

Gloria Patri etc.

Ant. **Genuit puerpera Re-
gem , cui Nomen aeternum ,
et gaudia matris habens cum
virginitatis honore : nec pri-
mam similem visa est , nec
habere sequentem , alleluja.**

Ant. Angelus ad pastores
ait : annuntio vobis gaudium
magnum , quia natus est vo-
bis hodie Salvator mundi , al-
leluja.

Psalm. 62.

Deus, Deus meus : * ad te de-
luce vigilo.

Sitivit in te anima mea : *
quam multipliciter tibi caro
mea.

In terra deserta , et invia ,
et inaquosa : * sic in Sancto
apparui tibi , ut viderem vir-
tutem tuam , et gloriam tuam.

Quoniam melior est miseri-
cordia tua super vitas : * labia
mea laudabunt te. .

Sic benedicam te in vita
mea : * et in Nomine tuo le-
vabo manus meas.

Sicut adipe, et pinguedine repleatur anima mea : * et labiis exultationis laudabit os meum.

Si memor fui tui super stratum meum, in matutinis meditabor in te : * quia fuisti adiutor meus.

Et in velamento alarum tuarum exultabo, adhaesit anima mea post te : * me suscepit dextera tua.

Ipsi vero in vanum quaesierunt animam meam, introibunt in inferiora terrae : * tradentur in manus gladii, partes vulpium erunt.

Rex vero laetabitur in Deo, laudabuntur omnes qui jurant in eo : * quia obstructum est os loquentium iniqua.

Hic non dicitur Gloria etc.

Psalm. 66.

Deus misereatur nostri , et benedicat nobis : * illuminet vultum suum super nos , et misereatur nostri.

Ut cognoscamus in terra viam tuam : * in omnibus gentibus salutare tuum.

Confiteantur tibi populi , Deus : * confiteantur tibi populi omnes.

Laetentur , et exultent gentes : quoniam judicas populos in aequitate : * et gentes in terra dirigis.

Confiteantur tibi populi , Deus , confiteantur tibi populi omnes : * terra dedit fructum suum.

Benedicat nos Deus , Deus
noster , benedicat nos Deus : *
et metuant eum omnes fines
terrae.

Gloria Patri etc.

Ant. Angelus ad pastores
ait : Annuntio vobis gaudium
magnum , quia natus est vo-
bis hodie Salvator mundi , al-
leluja.

Ant. Facta est cum Angelo
multitudo coelestis exercitus
laudantium Deum , et dicen-
tium : Gloria in excelsis Deo ,
et in terra pax hominibus bo-
nae voluntatis , alleluja.

Cant. trium Puerorum. Dan. 3.

Benedicite omnia opera Domi-
ni Domino : * laudate , et su-
perexaltate eum in saecula.

Benedicite Angeli Domini Domino: * benedicite Coeli Domino.

Benedicite aquae omnes, quae super coelos sunt, Domino: * benedicite omnes virtutes Domini Domino.

Benedicite sol, et luna Domino: * benedicite stellae coeli Domino.

Benedicite omnis imber, et ros Domino: * benedicite omnes spiritus Dei Domino.

Benedicite ignis, et aestus Domino: * benedicite frigus, et aestus Domino.

Benedicite rores, et pruina Domino: * benedicite gelu, et frigus Domino.

Benedicite glacies, et nives Domino: * benedicite noctes, et dies Domino.

Benedicite lux , et tenebrae
Domino : * benedicite fulgura,
et nubes Domino.

Benedicat terra Dominum: *
laudet , et superexaltet eum in
saecula.

Benedicite montes , et colles
Domino : * benedicite universa
germantia in terra Domino.

Benedicite fontes Domino : *
benedicite maria , et flumina
Domino.

Benedicite cete , et omnia ,
quae moventur in aquis , Do-
mino : * benedicite omnes volu-
cres coeli Domino.

Benedicite omnes bestiae, et
pecora Domino : * benedicite filii
hominum Domino.

Benedicat Israel Dominum: *

laudet , et superexaltet eum in saecula.

Benedicite Sacerdotes Domini Domino : * benedicite servi Domini Domino.

Benedicite spiritus , et animae justorum Domino : * benedicite Sancti, et humiles corde Domino.

Benedicite Anania, Azaria, Misael Domino : * laudate, et superexaltate eum in saecula.

Benedicamus Patrem, et Filium cum Sancto Spiritu : * laudemus , et superexaltemus eum in saecula.

Benedictus es , Domine, in firmamento coeli : * et laudabilis , et gloriosus , et superexaltatus in saecula.

Hic non dicitur Gloria, neque Amen.

Ant. Facta est cum Angelo multitudo coelestis exercitus laudantium Deum, et dicentium : Gloria in excelsis Deo, et in terra pax hominibus bonae voluntatis, alleluja.

Ant. Parvulus Filius hodie natus est nobis, et vocabitur Deus, fortis, alleluja, alleluja.

Psalm. 148.

Laudate Dominum de coelis : *
laudate eum in excelsis.

Laudate eum omnes Angeli
ejus : * laudate eum omnes vir-
tutes ejus.

Laudate eum sol, et luna : *
laudate eum omnes stellae, et
lumen.

Laudate eum coeli coelo-

rum : * et aquae omnes , quae super coelos sunt , laudent Nomen Domini.

Quia ipse dixit , et facta sunt : * ipse mandavit , et creata sunt.

Statuit ea in aeternum , et in saeculum saeculi : * praeceptum posuit , et non praeteribit.

Laudate Dominum de terra : * dracones , et omnes abyssi.

Ignis , grando , nix , glacies , spiritus procellarum : * quae faciunt verbum ejus.

Montes , et omnes colles : * ligna fructifera , et omnes cedri.

Bestiae , et universa pecora : * serpentes , et volucres pennatae.

Reges terrae , et omnes po-

puli : * principes , et omnes
judices terrae.

Juvenes , et virgines , senes
cum junioribus laudent Nomen
Domini : * quia exaltatum est
Nomen ejus solius.

Confessio ejus super coelum ,
et terram : * et exaltavit cor-
nu populi sui.

Hymnus omnibus Sanctis
ejus : * filiis Israel , populo
appropinquanti sibi.

Non dicitur Gloria etc.

Psalm. 149.

Cantate Domino canticum no-
vum : * laus ejus in Ecclesia
Sanctorum.

Laetetur Israel in eo , qui
fecit eum : * et filii Sion exul-
tent in rege suo.

Laudent Nomen ejus in choro : * in tympano , et psalterio psallant ei.

Quia beneplacitum est Domino in populo suo : * et exaltabit mansuetos in salutem.

Exultabunt Sancti in gloria : * laetabuntur in cubilibus suis.

Exaltationes Dei in gutture eorum : * et gladii ancipites in manibus eorum.

Ad faciendam vindictam in nationibus : * increpationes in populis.

Ad alligandos reges eorum in compedibus : * et nobiles eorum in manicis ferreis.

Ut faciant in eis iudicium conscriptum : * gloriam haec est omnibus Sanctis ejus.

Non dicitur Gloria etc.

Psalm. 150.

Laudate Dominum in sanctis
ejus : * laudate eum in firma-
mento virtutis ejus.

Laudate eum in virtutibus
ejus : * laudate eum secun-
dum multitudinem magnitudi-
nis ejus.

Laudate eum in sono tubae : *
laudate eum in psalterio , et ci-
thara.

Laudate eum in tympano, et
choro : * laudate eum in cordis ,
et organo.

Laudate eum in cymbalis be-
nesonantibus , laudate eum in
cymbalis jubilationis : * omnis
spiritus laudet Dominum.

Gloria Patri etc.

Ant. Parvulus Filius hodie
natus est nobis , et vocabitur
Deus , fortis , alleluja.

Cap. Heb. 1.

Multifariam , multisque modis
olim Deus loquens patribus in
Prophetis : novissime diebus istis
locutus est nobis in Filio , quem
constituit haeredem universorum ,
per quem fecit et saecula.

R. Deo gratias.

HYMNUS.

A solis ortus cardine
Ad usque terrae limitem ,
Christum canamus principem
Natum Maria Virgine.
Beatus auctor saeculi
Servile corpus induit :
Ut carne carnem liberans ,
Ne perderet , quos condidit.

Castae Parentis viscera
Coelestis intrat gratia :
Venter puellae bajulat
Secreta , quae non noverat.
Domus pudici pectoris
Templum repente fit Dei :
Intacta nesciens virum ,
Concepit alvo Filium.
Enititur puerpera ,
Quem Gabriel praedixerat,
Quem ventre matris gestiens
Baptista clausum senserat.
Foeno jacere pertulit :
Praesepe non abhorruit :
Et lacte modico pastus est ,
Per quem nec ales esurit.
Gaudet chorus coelestium ,
Et Angeli canunt Deo.
Palamque fit pastoribus
Pastor Creator omnium.

JESU , tibi sit gloria ,
Qui natus es de Virgine ,
Cum Patre, et almo Spiritu,
In sempiterna saecula. Am.
V. Notum fecit Dominus ,
alleluja.

R. Salutare suum , alleluja.

Ad Ben. Ant. Gloria in
excelsis Deo , et in terra pax
hominibus bonae voluntatis ,
alleluja , alleluja.

Cant. Zachariae Luc. 1.

Benedictus Dominus Deus Isra-
el : * quia visitavit , et fecit
redemptionem plebis suae.

Et erexit cornu salutis no-
bis : * in domo David pueri sui.

Sicut locutus est per os San-
ctorum : * qui a saeculo sunt
prophetarum ejus.

Salutem ex inimicis nostris: *
et de manu omnium, qui ode-
runt nos.

Ad faciendam misericordiam
cum patribus nostris : * et me-
morari testamenti sui sancti.

Jusjurandum, quod juravit
ad Abraham patrem nostrum: *
daturum se nobis.

Ut sine timore, de manu ini-
micorum nostrorum liberati : *
serviamus illi.

In sanctitate, et justitia co-
ram ipso : * omnibus diebus
nostris.

Et tu, puer, propheta Al-
tissimi vocaberis : * praeibis
enim ante faciem Domini, pa-
rare vias ejus.

Ad dandam scientiam salu-

tis plebi ejus : * in remissionem peccatorum eorum.

Per viscera misericordiae Dei nostri : * in quibus visitavit nos oriens ex alto.

Illuminare his , qui in tenebris , et in umbra mortis sedent : * ad dirigendos pedes nostros in viam pacis.

Gloria Patri etc.

Ant. Gloria in excelsis Deo, et in terra pax hominibus bonae voluntatis , alleluja , alleluja.

Ÿ. Dominus vobiscum.

R. Et cum spiritu tuo.

Oremus.

Concede , quaesumus , omnipotens Deus , ut nos Unigeniti tui nova per carnem nativitas

liberet, quos sub peccati jugo
vetusta servitus tenet.

Per eundem etc.

Ÿ. Dominus vobiscum.

R. Et cum spiritu tuo.

Ÿ. Benedicamus Domino.

R. Deo gratias.

Ÿ. Fidelium animae per mi-
sericordiam Dei requiescant in
pace.

R. Amen.

FINIS.









